

Hazel, 9j.



suechet äs nöiis Daheime mit Freigang

Liebi Tierfründe

Lueget einisch, bin ig nit en ganz e härzigi Muus? Ig bi d'**Hazel**, sozusage e Haselmuus. So brun wie'd Haselnüss, abr nid so gmüetlech, wie's uussieht. Abr derzue schpättr. Ig bi uf dr Suechi nach eme nöiie Daheime. Warum? I mineri Familie het's personelli Veränderigi gäh u denn git's ou no bösi Chatze im Revier hie, passt mir aues so gar nüm. Ig chumme chuun no hei, nur no zum Ässe, we ig vor Nachbari nid öppis bechoh, sie fütteret mi ou. Leidr. Itze wönnt mini Lüüt mir es Daheime sueche, wo ig mi wiedr woufueue tue. Drum!

Ig bi e 9jähriigi ächti Bengal-Dame, kaschtriert, gimpft, chippet, gsung, schtuberein, fit u muntr. Ig bi würtlech e ganz e liebi Chatz. Abr typisch Bengal haut: ig bi aaschpruchsvou, sähr aktiv u läbig u bruuche u sueche Ufmerksamkeit u Zuneigig. Bi mir muess immr öppis gah. Mir muesch öppis biete chönne: zum Schpiue u Chlättere, dinne u dusse. Ig schmüesele u schpiue gärn, abr ebe nur wenn ig das grad wott. Bi Frömdi bin ig scho es bitzeli vorsichtig u schüech, muess doch erscht luege, wer das isch. Ig sueche äs Plätzli i eme schtabiue Huushaut bi liibi, fitti u bengal-erfahreni Mönsche mit Geduud u Ziit u Luscht, sich mit mir abzgäh. Grösseri Ching, so ab 12i, sy cheis Problem, Hung u Chatz geit dagäge gar nid. U Freigang i ere verkehrsarne Umgäbig, das muess wiedr sy. Ig gang nit wiit weg, bi chei Schtröineri. Nur so ums Huus ume, luege, was geit. U zu die Nachbare u zu die Nachbare vo die Nachbare u ... Du verschtehsch mi, gäu?

Hättisch Du so es Plätzli frei? Für mi? Wohnsch Du ir verkehrsarne Gägend u hesch Du womöglech en Garte ums Huus ume? MIN Garte? U chei angeri Huustier? U isch bi Dir oft öpper dihei, der Ziit hat für mi? Villiecht arbeitsch Du teilziit odr Homeoffice odr bisch säubschtändig vo diheime us? Bisch Du e Bengal-Fründ? U chennsch Du Di mit di Bengale u üseri «Eigeheite» us? Das wär's! Denn müesset mir üs unbedingt lehre chenne. Ig wohne im Moment no z'Rudolphstetten/AG, zügle abr gärn zu Dir, wo ou immr Du wohnsch. Mäud Di doch bitte ganz gly bi dr Sonja Ball. Sie het sich mir agno u suecht für mi das nöiie Plätzli. Ig tröime scho mou vo üs !

Dini Hazel



Katze sucht Mensch - Mensch sucht Katze

Sonja Ball

Tel.Nr. 079 333 45 62

kontakt@katze-sucht-mensch.ch

